



## Universitätsbibliothek Paderborn

### **R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis**

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Resvrrectionis, Apparitionis, & Ascensionis, vsq[ue] ad  
Spiritus Sancti Aduentum & Euangelij promulgationem, complectitur

**Puente, Luis de la**

**Coloniae, Anno M.DC.XII.**

Med. 11. De causis propter quas Resurrexit Christus cum signis vulnerum  
in pedibus manibus & latere.

[urn:nbn:de:hbz:466:1-38195](https://nbn-resolving.org/urn:nbn:de:hbz:466:1-38195)

## MEDITATIO XI.

QVAS OB CAVSAS CHRIS-  
tus Dominus in glōrificato suo  
corpore vulnera sacra in pe-  
dibus, manibus & latere  
seruauerit.

**D** R A E M S I S I S qua precedentiibus Meditationibus diximus, colligemus in hac aliquas causas, propter quas Christus Dominus noster, prædicta vulnera in corpore suo glōrificato seruare voluerit; perpēdentes latentē in singulis spiritū, & fructū ex singulis colligentes.

S. Thom. 3.

p. q. 54. a. 3.

## PVNCTVM I.

**P** R I M A causa fuit, vt ostēdens non solum corpus, quod palpare possent, sed loca etiam clauorum & lanceę, in fide Resurrectionis magis confirmarentur, ac distinctius crederent, idem esse omnino corpus glōrificatum, quod fuit cruci affixum; non verò aliud recens factum. Quo eodem facto, etiam nos confirmat in fide nostræ Resurrectionis, quę futura sit in eisdē corporib⁹, quę in mortali hac vita habuimus, iuxta illud Iob, a scio quod Redemptor meus viuit, & in nouissimo die de terra surrecturus sum, & rursus circūdabor pelle mea, & in carne mea videbo Deum meum;

Iob, 1. 19

25.

V. part. med.

H

quem

quem visurus sum ego ipse, & oculi mei conspici-  
 turi sunt, & non alius: reposita est hac spes mea  
 in sinu meo. Ad cuius sancti imitationem, re-  
 ponam & ego spem hanc in sinu cordis mei,  
 vt in medijs calamitatibus & morbis meis,  
 me ipsum consolet; credens firmiter, carnem  
 meam, quamuis vulneratam, & vermibus à  
 pedibus ad caput plenam, & in sterquilinio  
 iacentem, sicut fuit Iob, & quamuis excoria-  
 tam, & in mille partibus transfixam, & in  
 cruce, sicut fuit Christi Domini nostri; ean-  
 dem tamen ad nouam vitam resurrecturam:  
 & si qua signa, aut vulnera, in ea resuscitata  
 remanserint, id non prouenturum ex imbeci-  
 llitate eam resuscitantis, sed id permitten-  
 tis ad maiorem gloriam & pulchritudinem  
 ipsius carnis resuscitatæ: & hac ipsa spe exci-  
 tare meam carnem debeo, vt libenter & pa-  
 tienter toleret labores, quos patitur.

## II.

SECUNDA causa fuit, vt eadē vulnera,  
 quæ in glorificato corpore remanebāt, signa  
 essent suæ victoriæ, atque triumphī; & simul  
 indicia, quod magni ipse faceret, labores &  
 ignominias pati, siquidem eū honorem ipsis  
 vulneribus exhibuit, vt etiam in glorificato  
 corpore ea retinuerit; singulari tamen splē-  
 dore, ac pulchritudine. Qua eadem ratione  
 excitare nos voluit, ad patiendum; vt in hoc  
 ipso gloriantes, magno honori tribueremus  
 aliqua in corpore nostro vulnera habere im-  
 pressa, hoc est labores aliquos & dolores illis  
 similes, quos Christus Dñs noster est passus,

cuius

cuius amore eos perpessi simus, dicentes  
cum Apostolo, *b stigmata Domini Iesu in cor-*  
*pore meo porto.* O Dulcissime Iesu, tu Domi- *b Galat 6.*  
nus meus, & Redemptor meus es, & ego *17.*  
mancipium tuum; & quandoquidem solent  
Domini, mancipia sua cauterizare, aliquibus  
signis impressis, ut agnoscantur, talium esse  
Dominorum; & non possint fugere ex illo-  
rum seruitio: imprime & mihi signa vulne-  
rum tuorum, ut semper tuus maneam, nec à  
Diuino tuo obsequio vnquam recedam.

## PUNCTVM II.

## III.

**T**ERTIA causa, cur vulnera in glo-  
rificato corpore referuau erit, fu-  
it, ut illi essent tanquã memoriale, & exci-  
tatorium eorum, quæ pro nobis fuit per-  
pessus; ut sic ad nos amandos, nobis parcen-  
dum, ac semper benefaciendum permouère-  
tur. Et qui, quia Deus est, (ut ait Isaias Pro-  
pheta) *a non obliuiscitur nostri, quia in mani-*  
*bis suis descripsit nos;* ita etiam, quia homo est, *a Isaias 49.*  
non obliuiscetur nostri, quia in manibus suis *16-*  
scriptum habet, quanti ipsi stemus: quas ma-  
nus sicut apertas habet foraminibus clauo-  
rum; ita apertas, & extensas habet, ad nos re-  
plendos benedictione sua; & illo amore,  
quem apertum eius latus nobis manifestat. O  
Dulcissime Redemptor, hoc ipsum ob- *b Cant, 8.6.*  
stringit me, ut nunquam tui obliuiscar, *b sed*  
*ponã te, ut signaculũ super cor meũ, ut signaculũ*

c. Deuter 6.  
8.

*super brachium meum, ut omnia opera mea ac desideria, ob signata sint sigillo tuæ infinite charitatis, ut in omnibus impleam tuam sanctam legem. Et si quidem populo Hebræo iussisti, ut verba legis, quam per Angelos illi dederas, c ligarent quasi signum, in manu sua, & mouerentur inter oculos illius, ut eorum recordarentur, multo magis rationi consonum est, ut idem ego præstem circa eam legem, quæ data fuit, manibus Domini Angelorum, quæ mei causæ clavis fuerunt transfixæ.*

d. I. Ioan. 2. 1  
e Genes. 9.  
14.

QUARTA causa fuit, ut eadem vulnera æterno suo Patri continuè ostendens, eius iram, & contra mundum, ob nostra peccata, indignationem placaret officium, agens perpetui nostri d *Aduocati apud Patrem*; si enim aspiciens Deus e *Arcū cælestem*, pulchritudine trium colorum exornatum, *recordatus fæderis sui nobiscum, iram suam placat*, ut propter illud signum, sit memor, ut non delet *aquis diluuij omnem carnem*: quanto magis placabitur, videns Arcum hunc ipsius cælestis Empirei Christum Iesum, triplici illo genere vulnerum; manuum, pedum, & lateris splendens, qui erit illi, ut signum & moriuum, ne mundum, pro eius meritis, castiget? Hoc spiritu debeo æterno Patri ostendere vulnera filij ipsius; ac supplicare, ut, propter illa, placet iram suâ, quâ habet aduersum me, & omnes homines, dicēs illi. *Protectoꝝ noster aspice Deus, & respice in faciē Christi tui. Respice etiā benedictas ipsius manus, pedes, ac lateris* &

¶ Psal. 83. 10.

per sacratissima manuum vulnera, concede nobis, vt nostræ semper opera bona faciant; & propter vulnera pedum, vt nostri bonis semper gressibus incedant, & propter vulnus lateris, vt nostrum latus sit amore tuo vulneratum. Sequere, anima mea, scripturæ Diuinæ consilium, & eleuatis in cœlum Empireum oculis, *g vide arcum*, qui illic est, *& benedic eum qui fecit illum; valde speciosus est in splendore suo; girauit cœlum in circuitu gloriæ suæ, manus excelsi aperuerunt illam, & qualem vides, exornarunt.* Benedicantur manus illæ, quæ talē arcū fabricarunt; & ad quarum nutum, suas ipse manus extēdit in cruce, varijs cœlestibus virtutibus exornatas, quò, in signum pacis, omnes suos electos complecteretur, & circulo suæ protectionis illos circumdaret, ac demum in throno gloriæ suæ collocaret.

Quinta causa fuit, vt nos vulnera illa aspicientes, ad suum amorem & obedientiam, prouocaret, agnoscentes per ea, quantum ipse nos dilexerit, quantumque pro nobis fuerit perpeffus; ita vt, Spiritualis horum vulnerum, quæ in glorificato Christi corpore remanent, aspectus, esset efficacissimum facultatum animæ nostræ, excitatoriū, vt omnes in huius Domini obsequio occuparentur; & vt alibi est dictum, per eadem vulnera, aditus nobis ad ipsius Domini interiora pateret, vt ibi habitantes, cum eodem vniremur: actuali memoria, cognitione, & amore; cogi-

*g Eccl. 43.  
17.*

*P. 4. Medit.  
53. p. 1. 4.*

h. *Canti* 2.  
14.

tantes, ex ipso caelo nobis illud dici, *h surge amica mea, speciosa mea, & veni, columba mea* celeri volatu ad *foramina petrae & cauernam maceria;* ingredi vulnere corporis mei, non iam sanguine fadata, sed splendentia & glorificata. Si mihi inferni te insequentes vexet, ad haec vulnere confuge, quae te protegent ab eorum tentationibus; Si mundi vanitates te persequentur, & tuae carnis pravae propensiones, confuge ad haec vulnere, in quibus refugij domum inuenies, aduersus omnes timores tuos; Si te videris turbari à curis & negotijs, subtrahere te illis, & haec vulnere ingredi, in quibus quietem inuenies, & tuo spiritui requiem; Si cupis me cognoscere, & toto corde diligere, ad haec vulnere accede, ingredi illa, & ibi deprehendes, quanti te fecerim, quantum te dilexerim, & ex corde meo tales amoris flammis prodeuntes experieris, vt totum cor tuum inflament, coniungant, & transforment in meum. Respice vulnere manuum mearum; & corrobora tuas, vt pugnare valeas pro gloria mea, sicut ego pugnaui pro salute tua; Aspice cauernam lateris mei, & aperi mihi tuum; totum amorem mihi donans, sicut ego me totum pro te tradidi. Aspice vulnere pedum meorum, gressusque tuos ad meum obsequium dirige, imitatus meos cum perseverantia, donec obtineas coronam.

PER huiusmodi considerationes, merito debeo affectus meos exercere, memor vulnere

rum

rum ipsius Christi Dñi nostri; quæ ut cominùs aspiciam, fidem meam excitabo, qua attendam, illa esse in glorificato eius corpore, non solum in cælo, sed etiam in sacratissimo altaris sacramento; vbi illa sunt instar quinque *fontium Saluatoris*, ex quibus manantes *aquas gratiarum*, & spiritualium consolationum *hauriunt* omnes, qui ad illa spiritu accedunt. *i. Isai. 12. 3.*

## PUNCTVM III.

**A**CCEDIT vltima causa, vt in nouissimo die iudicij, confunderet damnatos, ostendens illis vulnera, quæ pro ipsis accepit, testes desiderij sui, quo illos cupiebat saluare, nisi ipsi culpâ suâ, impedimentum posuissent; quibus (vt ait Sanctus Augustinus) talia diceret: Ecce hominem, quem crucifixistis; aspiciite vulnera, quæ illi inflixistis; agnoscite latus, quod lancea aperuistis: quod quidem propterea fuit apertum, vt vos intrare possentis; quod tamen facere nolulistis. Tunc erit terribilis ille planctus, mors, & luctus, & fames, quæ aduersus hos miseros sunt prædicta, cum videbunt se neglexisse opportunam suæ salutis occasionem; & iustissimam causam, quam Christus Dominus, ad eos condemnandos, habebit.

CONTRA verò aspectu eorundem vulnerrum, suos electos lætificabit, nõ solum illo die, sed per totam æternitatem, cernentes in eis perspicuè tot motiua amoris erga eum, qui talia pro ipsis perpeffus fuit. O Salua-



tor amantissime, per eadem te vulnera, sup-  
plex oro, vt effectus illos sine me perficias, ob  
quos ea, in glorioso tuo corpore seruasti, ad-  
mittens me ad ea, volantem alis columbæ  
vt in eis, tanquam in nido & requiei loco per-  
maneam, neque enim aliam in hac vita re-  
quiem desidero, quàm semper cogitare ea  
plurima, quæ pro me fecisti, & es perpeffus;  
& propter ea te amare, tibi que perseveran-  
ter obedire, donec ad te fruendum in æterna  
gloria perueniam. Amen.

## MEDITATIO. XII.

QVOD CHRISTVS APPA-  
ruerit septem discipulis, dum Pesca-  
rentur ad mare Tiberiadis.

## PUNCTVM I.

a Ioan: 21. 2.

2



RANT simul Simon Petrus, &  
Thomas qui dicitur Didymus,  
& Nathael, qui erat à Cana  
Galilæe, & filij Zebedai, &  
alij ex discipulis eius duo. Dicit

eis Simon Petrus: vado piscari. Dicunt ei: ve-  
nimus & nos tecum: & exierunt, & ascende-  
runt in nauim, & illa nocte nihil prendiderunt.

I PERPENDENDVM hic primum est, hos  
discipulos iuisse piscatū, partim ob pauper-  
tatem, vt aliquid haberent ad comedendum;  
partim vt otium fugerent; quia necdum tem-  
pus aduenerat, quo se occuparent in piscan-

dis